

鹿
裘
石
室
集

鹿裘石室集卷第九

宣城梅鼎祚禹金著

詩

五言律詩

廬居寫哀八首

自飲終天痛誰從厚地呼
一乘焱駕往忽罷鯉
庭趨欲贖身堪百頻驚
宇屬孤啾啾春鳥至腸
斷聽啼鳥

其二

塊處嚴寒夜廬居積雨秋面如灰更死形借影
相酬稽顙雖從至招魂不自由北堂護樹在稍
稍或忘憂

其三

欲挽嗟無及相從意更猜孤雲何處所白日掩
泉臺天地聊相假江河莽自迴儻爲遼海鶴華
表望歸來

其四

駘蕩鶯花地淒涼兒女心一春淹涕淚孤閣罷

登臨杖屨從何撰蓬蒿漸欲深舊題看乍廢兼

似蓼莪吟

天逸閣爲先大夫
願老之所題有詩

其五

好急清朝策毋深傲客名斯言長在耳每語重
雷纓白眼殊能事青雲自物情于時兼玩世吾
意總難明

其六

趨庭托知己嚴父攝良師玄草吾曾預青箱或
自私精靈原不晦手澤儼如斯千古一爲涕悠

悠作者誰

其七

頗負四方志仍虛五嶽懷以茲娛綵服未敢試
青鞵一室遊堪卧孤筇興轉乖縱令婚嫁畢籃
輦豈重偕

其八

念弟初離襁從兄已負衰中天膺自拊未日步
相隨枕草愁深夢攀荆淚滿枝幸能齊戶日莫
忘倚廬時

寒食對雨答張大員外

飛花何意緒寒食臥江天春老催歸雨風遙罷
禁烟龍蛇歌自苦狗馬病相憐憶爾傳宮燭題
詩御柳前

雨懷寄蒲上兄弟

積雨滯還期清宵勞夢思似傳芳草色已徧謝
家池幽興隨春減營魂抵曙遲故園花鳥地心
折此題詩

子寧後歸蒲上

病骨虛淹日愁心怯傷春乾坤雙淚眼風雨一
歸人逝者終長夜生乎太不辰鶯花爾無賴潦
倒及芳晨

春夜同何叔度過君典

幽期能不負日夕此相過人世堪長醉陽春幾
和歌夜涼舍宿雨雲斷出長河何似燕京陌鐘
聲散曉珂

晚夏吳生移具樓居因別

何人堪載酒此地共論文山氣遙沈雨樓陰直

借雲觀風來上國解慍奏南薰聞有將歸興登
臨一送君

答謝少府早秋閣夜見懷

明月一爲鑒馮高客思迷秋先入蟲語夜久徹
烏啼清發原推謝疎慵近似稽蒹葭新有詠露
下轉含淒

秋夜寄叔箕

天末涼風起因之一問君佳期夢宿昔長往謝
人羣月鬼生殘夜河流界白雲悲秋吾欲賦搖

唐詩不歸集卷之九
四
落不堪聞

夜坐

風塵終未免暫得息吾生病骨經秋健詩魂入
夜清流螢觀物化羅雀見人情坐久堪誰晤江
寒片月明

寄大梁朱秉器觀察兼問西亭王孫

問盟牛耳在寄遠鴈行遲鞭弭一相失山川忽
間之白雲起飛蓋明月照臨池公子西園好遙
傳侍讌詩

仲秋同王仲房沈君典宿對亭庵示玉公
舊憶雙林勝來尋第一峰片雲寒下榻孤月曙
聞鐘習定依簷鴿降心問鉢龍眷言塵外契支
許合相從

秋夜宿貢大城南

十載追趨處蕭然兩籜冠星河連榻動風露警
衣單落魄魄交遊冷羈棲羽翮殘城南一片地劒
氣夜中看

城東同郭五兄晚歸

唐詩存卷九
五
村晚澹寒暉城隅結騎歸露華明似水雲氣曳
成衣古道行人絕空林宿鳥依往來成老大相
對一歔歔

寒夕懷吳虎臣公臨

廓落看如昔能無憶友生霜華嚴夜色風葉領
秋聲別夢青山遠孤燈白髮明佳期倘重值遙
集謝公城

忌日哀述

逝水不可反浮雲迴自馳心緣多難折鬢與早

衰期臘色殘
冰雪年光屬
涕洟人間何
限事愁用九
原知

禮衡太常被出東藩因有李于鱗之感

何意厭承明
朱轡使者行
齊風陳大國
卿月出神京
自灑乾坤淚
堪尋海嶽盟
儻餘齋罷酒
一酌濟南生

送戴倉曹赴闕聽調

首路凌飛雪
天長一騎寒
軍儲供小吏
帝闕望長安
北斗繩河直
南山掌露溥
皇恩無遠

近之子慎加餐

除夕立春逢雪

積陰迷晦朔遙夕感居諸病易從春長愁難與
歲除梅花他自好栢葉爾何疎又見條風至多
慙涕淚餘

其二

兒女催人太行藏與世違可堪繁霰苦猶恐妒
春微窻白寒光切江青柳色歸屠蘇明日酒舍
意奉慈闈

過挹伯從兄試新陶有作

候君元比舍稱客但諸昆十月登禾稼田家試
瓦盆松濤寒入座嵐氣晚侵門談笑不知返因
懷靜者尊

兩夜寄憶王仲房

蕭瑟別來意片心餘照君高齋今夜雨孤坐不
堪聞閉戶抽玄草吹笙度白雲故人方病渴石
髓可能分

送君典赴子建約如潘園

偶耽高枕便敢與故人疎之子能乘興扁舟遂
所如夜談疑夢寐秋賦屬閒居攀得淮山桂停
杯好憶余

首夏同麻得之過劉明府

尋君竹徑裏吾輩亦羊求薄日遲林午輕寒釀
麥秋解衣分嶂靄移席趁泉流漉酒情堪見真
將老一丘

立瓠允甫叔家同吉甫時甫夜坐

過逢關象緯歲序俯川流積雨潛驅暑閒門早

受秋天清梧乍落地僻鳥爭投達者自知樂能
無秉燭遊

龍使君還姑孰待余至乃行

尚留十日酒可作布衣驢已訂重來約翻憐暫
別難片雲催遠棹新漲起高湍莫厭勞勞甚婆
娑且一官

夏日二首

高林銷劇暑虛閣引浮嵐五柳先生種孤雲靜
者耽漸能占鳥語近已習農談莫枉山公薦馳

驅百不堪

其二

久矣玄情澹翛然病色微轉憐生石闕所幸足
荷衣宿雨縣江樹殘霞弄晚暉向無奇可問長
日偃荆扉

醉賦

只此一尊酒猶能供嘯歌人皆嗔醉甚吾自柰
狂何江漢鷗盟舊乾坤虎跡多好扶雙眼在春
色滿煙蘿

過汪仲嘉謝少廉程子虛寓

閣夜初星聚江春漸月圓
還憐羈旅客因感昔游年
雙眼乍回白寸心終守玄
不緣吾黨在此意向誰傳

雨中

苔翠上人襟閉門春且深
雨疎邀樹暝雲澹合谿陰
聊愜行杯興翻遲曳屐心
遙天歸翼沒寒色起高林

讀史傷吳丞相潛

丞相以忤賈似道死
循州有風雷之變

瘴江收骨日葛嶺賞心時指鹿羣趨和瞻烏獸
起悲風雷能答響丘壑偶違期蕭瑟千秋意臨
文感鬢絲

入栢規

世外煙霞相山中薜荔情玄機窺野馬法曲獻
流鶯界道飛泉直躋雲古木平故山雙眼慣春
色任縱橫

王孫

青陽徒自媚白髮漸相親雨雪爲辭客蓬蒿堪

沒人窮陰回朔吹殘燒動江春獨有王孫恨年
年芳草新

春日寄子馬兼示泰符

繇歷猶思遠依微已跡陳金僨寧辨主弓矢自
逢人曠日心堪質浮雲態轉新所憐池草綠春
夢就無因

晚同挹伯閒眺得輕字

閒眺君同興深棲世自輕雲歸嵐氣冷雨過夕
流清落照縣漁笳迴颺散鳥聲浪遊真已倦吾

意欲躬耕

春雨感事簡君典

天遠浮雲變春驕怒雨頻寸心堪自折
雙眼竟誰親近事難深語薄寒時中人題詩悵幽獨
知爾益霑巾

其二

真宰讎何易浮名損遂難畏途行漸失病色黯
相看好種陶家柳愁牽楚澤蘭呼兒問新漲吾
已飭漁竿

其三

雨露違生態龍蛇與殺機所嗟翻地軸不測仗
天威薄祿猶君累窮交且共依向來蘿薜地或
恐是耶非

其四

寧有波相及將無陸作沈高明曾鬼矚幽遁自
吾心白髮新成握朱絃暫輟音絕交殊欲廣涉
世漸能深

春夜蒲上飲弟台

多病驚華髮相依念白眉醉看從夜卜歸及與
春期薄霧開江練輕寒散雨絲清明愁漸近花
柳各爲姿

春日過史二使君郡齋

不煩具賓主相見坐能深舊有延徐榻能無憶
越吟鶯聲流佐酒花色映披襟車馬喧喧地餘
君物外心

其二

每愛攜琴造頻勞展席游高齋散平楚遠堞帶

芳洲吏隱甘名拙官閒用意幽臨風懷謝朓茲
地已千秋

其三

芳草當庭積青山入郭看烏棲將暝至燕語覺
春殘寶瑟泠泠夜金波穆穆寒後期雖預卜攜
手戀餘驩

答張員外都下見寄

沅芷思公子江蘼怨美人鬢殘燕地雪衣改薊
門春旅食猶然桂功名自積薪漢廷多貴幸年

唐詩卷之九
少畫麒麟

春晚邵明府見過

僊令自超羣雙鳧下夕曛草蔬非傲客肝膽直
投君庭敞疎星入城高靜漏聞壺冰聊借映深
夜不知醺

其二

平原吾卽媿十日酒能傾明月懷中出春風座
上生片言關象緯古道見柴荆何限憐人意雙
龍相向鳴

送閔山人攜家廣陵

舊業千金散，長途數口存。
送君常作客，此別更銷魂。
桂色高淮甸，潮聲壯海門。
歸須及芳艸，莫遣怨王孫。

溪上同李山人步月

偶乘流水往，似與碧雲期。
爲興吾不淺，有懷君自知。
青林含月動，白幘受風欹。
共卜雙谿釣，高天見一絲。

宿柏槻寺憶舊

經秋雙樹老信宿一燈縣已覺臨空界翻令感
世緣年光依佛日暝色接人煙坐對山堂雨聞
鐘時寂然

早秋寄潘理官

搖落吾堪見悲哉更憶君數行題夜雨孤夢隔
秋雲欲采芙蓉寄愁催木葉聞二毛知有賦潘
岳舊能文

蹇使君汝上馳迓山中塗次有作

遙挾火龍遊何殊雪夜舟生平疎貴客交結重

同儔馬首涼雲駐蟬聲山路幽十年懷一刺今日爲君投

君典晚過問疾

三徑高吾臥蕭然一病夫客同秋雨至尊倚暮雲呼乍許玄心見聊回白眼孤不知愁幾許寒色到蘼蕪

南游荅君典

可堪蓬轉處乍值火流時歲月扁舟在行藏一劍知故人傷別賦騷客遠遊辭南去江楓暮因

之重所思

敬亭舟中別郭五外兄

三載敬亭路長游方自今日銜羣岫轉天落片
帆陰隔岸烟芳別前川秋色深高堂勞汝報敢
負倚門心

硤石小飲

不慣作孤征舟行愁雨鳴離心疎柳望秋色大
江橫自笑飄零跡誰明抱玉情還持一尊酒遙
對故山傾

泊姑孰

更作江干宿飛棲托水禽樵風驚斷岸漁火出
疎林懷土頻勞夢逢人漸改音天涯楊柳樹一
一繫秋心

青山宿李白墓下阻水

舊識名賢墓停撓載拜難寒蕪迷故逕秋雨漲
高湍辭賦真何益雲山此鬱盤只應霄漢上長
作酒星看

采石弔李供奉

念君不得意漂泊在宣州
雄賦千人失荒祠百代留
西風薦蘋藻零露濕松楸
今古長遊地寒江日夜流

長干寺訪無極禪師嘗開講宣州

先問長干勝因過大士家
臘高秋苑樹客薦午厨茶
托鉢留殘日縫衣綴早霞
向來公府裏曾見長蓮花

劉長欽大理席有懷河東蹇使君兼贈大理兩君同時爲郡邑先竝左遷

近喜尊呼易遙憐劍合難
河流迴砥柱月色滿
長安片語心堪折千秋業不刊
有懷君共領西
望一凭闌

其二

自可參時彥真能結古歡
君曹昔趨府辭賦獨
登壇駿骨千金在羊腸九折
看中興逢漢世好
起一彈冠

聞少宗伯董公訃遙輓三首

一灑江湖淚深關社稷憂
天心憎白髮家難起

蒼頭挂劔清霜曉藏舟大壑秋謝公門下客長
哭向西州

其二

共擬登三象胡然夢兩楹 朝廷思舊德吾黨
失齊盟麟鳳悲何極龍蛇讖已成獨餘舟楫折
猶表直臣聲

其三

災祥諮董相禮樂秉虞庭世共傳三策家惟守
一經千秋成楚詛九辨弔湘靈何處華亭鶴遼

陽海色青

天界寺追憶半峰斌公

舊識支公隱城南寶地深十年違佛日雙樹老
秋陰鉢底龍應去齋時鳥更臨亭前有脩竹个
个是禪心

天界禪堂對月

此夜長安月遙臨古佛場自隨金相滿真見玉
毫光暗谷移清吹空齋聞妙香一珠誰可得舊
有鉢龍藏

金陵雨夜

客自愁逢雨兼之入夜聽酒能驅眼白燈故向
人青遇合終何術藏名未欲醒此來聊玩世雅
意在林垞

都夜聞笛

長安聞玉笛楚客遠遊時明月一爲奏秋雲不
可持江空龍語細天闊鴈行遲萬戶秦淮柳寒
條綠自垂

龍江關送從弟台南歸

秋風江上路送爾獨先歸鄉夢將雲度離心共
鴈飛薄寒欺客枕永夜戀慈闈畱滯何爲者空
沾游子衣

晚醉登雨花臺

蒼然秋色裏有客醉登臺落日歌鐘迴清霜鼓
角催一江流杳靄雙闕峙崔嵬遊騎喧喧散遲
吟伴月回

秋夜過盛仲交

濁酒淹霜夕繁枝映戶庭冶城高片月淮水蕩

疎星秋漏愁相促
寒鐘醉共聽
世今無北海誰
慰爾飄零

靈谷寺

有長陵御製詩
第一禪林金額

長松深隱寺
列岫遠蟠江
曲水分雲竇
圓紋網露牕
穿岩林鹿散
鳴澗鉢龍降
聖藻天垂象
禪林未有雙

南首感懷

鄉曲名何用
門庭寇已成
有懷從避世
無計可躬耕
福性增吾過
長途寄此生
滄江幾萬里
東

繞石頭城

西閣同濮子升葉文光叔季豹集李山人
屐遣蒼苔破尊依碧漢開光風梳草木麗日鑿
樓臺片語成今古同心數往回青藜有餘火莫
爲暝煙催

秋日同宋初陽山人陳季迪孝廉張大來
兄弟載酒莫愁湖

帝京行樂處侯館莫愁湖蓮葉遺鈿散峰雲寫
黛孤天空開玉鏡地迴列金鋪却向盧家問能

教兩漿無

其二

不必聞西曲俱能倚豔歌樓陰舜日早湖氣得
秋多往事滄波逝鄉心白鴈過石城年少客呼
酒酌青娥

送叔箕還柏規故林

同來帝城裏何意不同歸轉似南枝鳥參差向
北飛秋光淹旅食節序戒寒衣珍重林中意毋
令白眼違

秋夜同陳克嘉廷評再過長欽大理時余
將南還

良會秋能數間曹日可俱泉分功德水酒出大
官廚玄思堪成草清陰欲據梧法星雙照夜只
覺少微孤

其二

驪歌那忍發蟻汎暫堪畱江滿蒹葭露人憐桂
樹秋平生思御李客路幸依劉不是游梁倦高
堂有白頭

金陵寄王仲房

宛水一爲別金陵再寄書王家桃葉渡秋日柳
條疎客久少知己吾將歸弊廬向君尋舊約百
里共樵漁

別主人楊翁

亦知不可別其柰苦懷歸日久慚君飯秋深換
客衣江光寒雨澹帆影夕陽微寄遠馮書札天
南有鴈飛

江外夜泊寄京邑游好

平生多物役此地憶前游宿鴈仍親客鳴蛩知
附舟近家徧作夢臨水易生愁更有伊人思蒼
蒼白露秋

秋夜寓懷

秋已難爲暮夜何能更長漏殘聲斷月砧苦調
含霜短髮先衰白微花應節黃近年多酒過不
敢問高陽

其二

天風吹不極寒色滿庭柯候忽臨霜露生難遂

薛蘿折心安薄俗落魄諱狂歌千古牢騷意居然屈宋多

邑試得第一戲作

迷日聲猶籍凌雲氣早降才元同累百名敢擅無雙每誤矜玄草真堪覆酒缸頽然吾自醉明月入虛牕

送汪仲淹兼上長公司馬

三年成再別對酒更霑纓日落丹楓苦秋高白髮生狂經多難減交握片心明海內傳驃騎兼

推第五名

下第歸舟感賦

游子不得意西風江上歸
獨憐初授簡猶著舊
縫衣懷璧吾謀失
縣金昔事非
閒愁無可托
煙雨暗霏微

村別

方經搖落候兼入別離
心流水荒村暮疎林一
徑深月高迷度鴈風勁
斷鳴砧夢裏思君路微
茫不可尋

冬日同季豹泰符柏規晚步

野興君能領扶攜信所之峰廻銜日早泉冷遡
雲遲危躡歸樵徑低窺宿鳥枝依稀燈影見已
作上方期

宿柏規寺

又命籃輿入禪居杳靄間暗雲流斷磬羣籟滅
空山住髮間投社跏趺學閉關蓮花生夜氣清
夢不知還

雨後同箕台寺望

翛然望不極微雨歇禪關歲暮泉歸壑天寒雲
戀山乘昏饑鳥集乞食老僧還顧影慚吾汝終
多塵土顏

殘雪

殘雪尚在地顏雲不出村樵歌分別隴獵火上
平原川暮流漸急庭寒積葉昏橫空鷹隼去衆
鳥慎高翻

寄答歐楨伯大理

不必曾攜手相依只此心知君原翫髒與世厭

浮沉白雪時名淺青山歸思深南來一書札長
跼涕霑襟

其二

豈能淹薄宦且爲愛明時華髮浮雲過片心秋
水知天遲高掌露春老上林枝遙憶悲歌地何
人一和之

其三

幸無官長罵猶遣簿書勞薄祿供燕酒清秋見
楚騷朝廷多病疏湖海一綈袍北望蕭條甚青

天碣石高

送汪山人之郎川寄潘子會

以茲生別苦益重故人思爾作梅花使余攀楊柳枝紅顏銷世態白首見交期倘問年來意疎狂信有之

聽李生歌憶韋鑑

鑑嘗隸余家樂部今亡

御酒心難醉聽歌恨轉長
亡琴隔流水宿草對斜陽
欲賦風迴笛相思月滿梁
獨畱雙耳在因誤識周郎

飲麻明之

楚歌自成調魯酒且盈杯
更濁猶堪醉因狂轉
識才雲光依座變月色逐人來
懷抱真難見逢君暫好開

草詩後劉震仲限鷺字

興來頻泛蟻書罷欲籠鷺
河朔人無恙山陰帖
久訛花光迷反照雲色媚
纖羅莫賦湘江怨高
歌樂事多

寄答潘邑博

鹿裘石室集卷第十

宣城梅鼎祚禹金著

詩

五言律

出郭

閉門成累月出郭已歸春宿雨猶懸樹微暄乍
困人禽聲多改舊山色透爲新無恙桃花水斜
陽把釣綸

暮春同季豹秦符再宿柏槻

又見桃花落尋源路不迷經年僧漸老舊日客
猶攜雨數催林密雲孤去殿低一從開白社多
半在禪樓

閣中集酈簿

君母悲枳棘余尚落樊籬艸閣一尊暮山城細
雨遲論交知有道問字媿無奇不飲真何事風
花片片吹

黃池呈季豹

川路徽陽入前程殊未窮林深常宿雨江闊自

多風遠火投漁市疎鐘至梵宮
羈心轉寥落念與友生同

蛾眉亭對月懷李白

采石磯頭月清光此一時風流人永謝
顏色夢堪疑江鬼深愁照林鳥迴欲移
雙峰當鏡出直恐如蛾眉

姑孰城下逢家弟之金陵寄周國雍

姑孰城邊路征帆爲爾停雨來江氣白
風定島煙青落日望京邑孤雲歸敬亭
周家草堂在一

寄北山靈

過吳長輿城南書齋

無事能頻過到門雙鶴迎竹香來別院草色接
高城散帙幽人興援琴太古聲夷猶忘日暮歸
路白雲平

卽事嘲劉震仲

白頭自相守何必賦淒淒詞客吟嬌女男兒好
小妻避人紅袖掩妒寵翠眉低悵望昭亭夕春
開花自迷

送海豐鍾丞

遠遊兼薄宦南浦餞東征當夏嶺雲變中宵海
日生人煙殘百戰水族寄孤城但識哦松意知
君政理清

送李別駕守全州

斗酒別津亭踟躕五馬停西南開井邑岳牧重
朝廷飛蓋夏雲白褰帷越嶠青佩刀吾解贈風
雨散精靈

望水

四海終爲壑百川方亂流莽蒼天欲盡空闊地
疑浮但易親鷗鷺初難辨馬牛聖堯今在上真
有九年憂

尋故廣教寺

曾見金蓮長無何半草萊殘僧猶寄食過客轉
興衰佛力存荒塔塵緣問劫灰前山孤磬發時
度白雲來

宛在亭坐月聞笛是日立秋

脈脈秋能至孤亭坐夜遲天應從衆適月偶屬

吾私虛寂自爲照，淒清多所思。
關山幾萬里，愁向笛中吹。

答弟台秋夜卧病同宿之作

同病憐予切，依依河上吟。
復當鴻鴈候，轉見鵲鴿心。
夕漏隨秋長，寒砧併月臨。
相看不能語，但覺鬢華侵。

游山門阻雨

凌風欲飛鳥，一破紫巖曛。
忽散千峰雨，空瞻萬壑雲。
地深麋鹿跡，天入鶴鷗羣。
無奈鳴鳩意，居

然隔竹聞

雨罷

雨罷成吾眺爲懷不可言
斷虹窺返照獨鳥去
高原病久身親杖家貧客散門銷愁
是何物隨意倒芳尊

秋風

秋風吹不極貧病轉相從
蕙草經時變苔斑積
雨封世情多鬼蜮吾德豈人龍
自合成深隱雲山第幾重

秋暮由通靈峰入柏觀

泂溪一徑斜黃葉滿貧家斷壑飛晴雨微陽隱
暮霞逢僧穿薜荔畱客薦茶瓜杜若山中老吾
生未有涯

柏山寺讀景梅亭碑

問是前朝寺蕭蕭落木多孤亭存列祖丈室供
維摩地僻金難布碑殘字不磨臨文三歎息秋
色滿松蘿

病間聞孺斯病

念我猶依杖聞君更撤琴近來諳藥性一別長
蓬心秋色看如此年光漸不禁江流何湛湛其
上有楓林

雨霽酌月下

雨洗天開鏡風催月上弦孤懷澹流水一酌送
飛泉樹影交庭午螢光照座偏入山稀酒伴吾
興自翩翩

聞張惟守入楚

一涉洞庭水應傳郢雪詞絕憐今夜月難共隔

年卮客路秋先覺歸心鬢久知楚雲千里望黃
鶴借余騎

得蹇督學山東書

江東一水望濟上尺書裁明月夢滄海寒天登
楚臺陳詩知大國攬轡得真才秋滿開絨處遙
攜嶽色來

秋夜同惠甫季豹泰符仲宣汎城東分得
眉字

試發城東興扁舟向晚移澄江深鑒髮新月曲

分眉夜色銀河澹寒芳玉露滋聞歌轉蕭颯白
苧及秋時

同弟台外兄汝堅宿洪村

東村聊信宿濁酒共綢繆細雨生衣潤寒泉入
戶流鴈聲楓葉晚蟲語豆花秋寒色農家早中
宵起飯牛

冬日四章

疊嶂斜依郭閒亭曲抱谿冰霜爭度臘天地此
深棲拙枝從龜手全生學馬蹄豈伊塵世事一

笑不能齊

其二

杖藜鬆野色
峴幘過風塵
在昔稱賢達
于今半
隱淪
茹冰聊比潔
生蓼不知辛
吾自求吾適
頻
看漉酒巾

其三

物候占雲變
幽懷與日淒
明星釣臺北
紫氣敬
亭西
菜甲先春動
梅花照雪迷
似難除
癩癬擬
卜姓爲嵇

其四

傲骨窮逾長才情病轉新
空山歌互答寒日醉生春
何必俱浮海寧勞獨問津
陸沉無不可終自異傍人

齋夕

野寺寒烟暝鐘聲直到門
鶴棲雲畔石犬吠月中邨
夢入篝燈暈詩生裋褐溫
愛看梅影澹忽破綠苔痕

早起

乘涼閒起坐曙色轉霏微初日遲蘿逕流颺侵
葛衣拂牕林鳥過披戶水雲飛自不驚鷗夢綠
余久息機

別張王二子

千古敬亭月逢君一笑言詩名流四海病色滿
中原御氣歸龍洞傳香憶兔園愁心芳草發誰
爲載停軒

汪村示汝堅

一徑蓬蒿暮孤村桑柘烟家貧愁衆口秋作苦

侵年鄰父時相過
農人夜少眠
草蔬聊飯客
知不責肥鮮

吾與軒用壁間謝少宰韻

孤夢醒鳴瀑
幽懷澹入山
蒼然暝色至
倦矣衆禽還
雲度侵涼慢
風迴解醉顏
市塵高萬丈
暫借此中間

寄王仲房

有序

仲房詩兩責予不一
通訊此自予病廢不足
怪至如寤寐何嘗不勤
今秋就試有司迺益

念仲房翩然高舉我輩啁晰勞利黃口與伍
中憤憤口吃不能語製四十字寄之聞楚人
善怨又憐栗悲哉之氣在秋予詩多沈淫而
少激亮則以壯心漸耗爾

多病書慵寄相思鬢欲斑秋風吹片雨寒夢度
千山混世名終在如君老更閒自知羣燕雀鴻
鵠不堪攀

試後送叔箕還山

秋水城東渡秋風落葉分世情多諱古吾輩敢

求聞何所無芳艸歸來問白雲
塗窮應有淚不灑向夫君

鄔汝翼自京口見訪予病郊外悵答

遠道高朋興經旬病客顏竟難攀
玉樹不得問金山芳草何當歇
白雲常自閒敬亭秋色好落日
載舟還

感騷八首

秋風凡幾度轉見氣逾悲
項領紛相屬頭顱似可知
浮沉存此道偃仰累明時
前路江湖在悠

然有所思

其二

物態猶疇昔風塵胡太勞授衣霜候早伏枕日
華高廓落如羈旅嬋娟自爾曹一登名士籍飲
酒讀離騷

其三

不寐從申旦何人問獨醒居然迷世網徒望解
天刑病後那相藉歌來只自聽亦知搖落候未
敢怨流萍

其四

落日蕭條色高秋罷倚闌天清疎艸木地僻謝
衣冠漸喜時名損猶疑古道難西園竹萬个吾
欲選漁竿

其五

莽莽秋能暮營營志不平鴈鴻遵歲序蟋蟀苦
宵征雪霰幾先戒江河勢欲爭尚嫌雙壁在明
月抱連城

其六

楓林俯江水邊暮更蕭森萬象方陵勁孤生易
陸沈荆榛時在眼藥餌近關心放逐非吾事寥
寥自楚吟

其七

萬事驩難竝多岐計轉孤時才堪屈指吾黨散
羣呼得失寧論馬雌雄可辨烏片心牢落盡誰
復問雄圖

其八

樂土無勞適中人尚有家妻孥共餘粒子母自

成瓜白露生秋思青山閱歲華反騷茲欲賦吾
道本龍蛇

問君典東歸三首其東嘗訪王元美廷尉
因過屠明府長卿青浦以吳姬還也詩
竝及之

扁舟問歸處楓葉洞庭稀三泖雲隨棹五湖秋
滿衣龍威文字古鱸膾宦情微曾否尋仙尉吳
門今是非

其二

江東原獨步歷下自三宗二子堪千古中原幸
一逢因君先辨蜺媿我後登龍聞欲將浮海乘
桴尚可從

其三

飛鳧占太史雙鳥在雲間玄出亭中草青來浦
上山鳴琴傳合調把酒解離顏一作臨邛客文
君載得還

秋夜懷沈徵父

天末懷君子涼風起夕波楚人多善怨商調自

行歌燈暗殘秋雨門閒掩薜蘿寄書何處所迢
遞鴈鴻過

弔袁育民少學

故人空雪涕名士散風流片月畱相照浮雲黯
不收如何埋玉樹豈亦返丹丘讀爾平生賦悲
哉氣獨秋

抵蕪湖郭

參差千雉合空闊一虹浮地入魚鰕市天維估
客舟五方人雜語十月我來遊感慨平生意寒

江細細流

蕪湖襍感四首

誰信重來怯都因始願微
經秋曾侍藥此夕倍
霑衣短髮星星改
長江日日歸旅魂難
自定風

雨一燈微

先大夫嘗
就醫于此

其二

茲游那自卜此地向誰看
一水空愁汝三年更
謫官天寒吳樹小
江暮楚雲殘客豈無
長鋏平

生不易彈

龍郡丞謫
碎黃州

其三

李令閩中返常懷長者風縣郊馴野雉江海遂
冥鴻帶郭青山在維舟碧水空寒宵占劔氣未
可合雌雄

李明府免
歸晉江

其四

問爾今何適栖栖魏博間梨花千樹合苜蓿一
齋閒教授高經術逢迎損壯顏蕪江難向北終
夜自潺湲

魯幼齊爲
開州博士

湖上雪示內

幾歲游先倦孤舟夢屢驚晚風吹積雪寒浪齧
空城偶一攜妻子何煩變姓名五湖殊不遠浩
蕩失鷗盟

雪夜再示內

剡舟雖興盡因雪更歸遲夜永他鄉見天寒游
子知妻孥真自累藥物假相持吟苦能教瘦休
成柳絮辭

夢日亭感古

夢日名猶在浮雲跡已陳英雄多感慨天地幾

沈淪魚服原非計狼心未可馴寶鞭真字寶扈
蹕更何人

舟中憶季豹諸子

自希旬日別寧有尺書沈此役愁兼得他方苦
獨吟身隨孤梗汎眼斷片雲深宛上千秋月遙
遙照寸心

仲冬予攜妻子自于湖歸宛上阻凍江外
冉冉歲方晏蕭蕭客未休雪深堪沒馬冰合忽
膠舟水國人烟少陰厓鬼火幽何當去妻子舉

手接浮丘

和子馬寄禹金兄攜內江上

不是鴟夷汎川塗空自長青天浴鷗鷺白露濕
衣裳急難勞諸弟平安報八行梅花江上落還
作壽陽妝

龍溪舟中風雨

惡氛何可望風雨併相摧白浪驚全立玄雲鬱
不開將因迷聖至豈爲洗兵來直宰誰從問扁
舟客獨哀

唁季豹哭子

由來三秀草不易在人間一與清霜接因隨顛
氣還情多看緩帶事往問探環誰分春風裏蕭
蕭日掩關

贈陳使君歸南海四首

有序

語曰白璧不可爲容容多後福予讀其言而
心竊悲傷又大疑之前太守嶺南陳公廉平
長厚休休有容業已擢憲外臺提兵西粵而
去郡未幾迺銷骨于積毀成虎于三言郡

中士大夫三老豪桀願伏闕白公寃狀公听
然而笑曰往予之爲政也人欲爲嬰兒則與
之爲嬰兒而以今予之被構也人呼我以牛
馬則應之以牛馬諸君休矣事竣公方以角
巾歸私第郡所稱士大夫三老豪桀者益憤
懣不自已各爲出其志而播詠之鼎祚嘗辱
公召置門下秀才居貧賤力不能直公大愧
公矣昔者屈原被放江南其徒宋玉有招魂
九辯之作以託旨于巫陽鼎祚固未皇于此

有以信其憤懣者而已

共指江南地原稱放逐鄉青春看受謝白日愴
回光魂散招難反心知報不忘向來悲屈宋千
古更霑裳

其二

畫地期寧入呼天宵不聞 明君聊薄罰議吏
自深文宦飲雙溪水歸攜屢嶂雲關門逢醉尉
莫說故將軍

其三

自少秦庭哭誰傳梁獄書
新秋判鞍馬清世問
樵漁南國畱棠樹東門
逝爰居浮雲無繫著舒
卷任空虛

其四

衣冠陳祖帳車轍卧都亭
衆惜心難白吾慙眼
獨青片颿懸暮雨孤劔
抱寒星此別能無醉方
今忌獨醒

俞公臨書來知卜居陽羨君典見過

建業遙成別荆溪已卜居
遷鶯初出谷歸鴈一

傳書雲接仙人洞春停太史車買鄰如可得攜
手問樵漁

西閣晚望

縣厓危置閣落日巧當牕匝水丹楓竝窺簾白
鳥雙秋光疏遠堞人語出空江一片磯頭月時
時繫釣艫

母病辭赴里選陳情所司

淹時東道計遲暮北堂身藥裏關心切荆扉屬
望頻大家難逐子小隱詎違親也憶須微祿中

人業不貧

其二

雅意虛推轂愁腸似轉輪家惟存老母身敢許
何人但與烏同養那求蠖共伸雙魚猶可饌把
釣五湖濱

其三

明經起三十遠道戀昏晨臨發牽衣住含情削
牘陳所親勞祖餞茲意向誰論搖落秋風後平
生倍苦辛

其四

嚴檄驚方下
慈闈病漸真
清羸占齒髮
甘膳輔精神
難托妻孥代
知無長吏嗔
儻能逢起色
敢復怨沉淪

新月

一鈎依座媚
半魄照人寒
兔影雲邊缺
榆枝露下殘
玉關驚乍吹
綺席借新懽
何必逢三五
今宵自可看

後寫哀六首

有序

後寫哀者歲在丁丑無祿先公卽世有寫哀
詩五年爲辛巳冬仲而邁母恭人之喪越歲
壬午有寫哀詩故後言之云

悠悠如尚在忽忽億何之零露濡苦寢陰風舉
總帷芳聲遺雜佩愁緒理殘絲夙昔勞相夢容
輝見益疑

其二

吾家賢伯仲竝著老萊衣秦氏烏中殮桓山鳥
背飛三荆餘獨立寸草報多違尚有羈雌恨栖

栖何所依

其三

少游多長者車轍徧蓬蒿每肆高堂宴猶親中
饋勞殷勤蓄旨酒方正出鑿刀未有成人望虛
稱媿譽髦

其四

所願身堪代寧嗟名未成絕裾非我事勸駕自
人情羣望虛從禱貽親已謝榮更何論祿養併
絕糝藜羹

其五

蒲衣存弱弟臨訣念彌敦
注目能齊戶傷魂斷倚門
九雛雖異種七子自均恩
孺慕猶天性相憐挹淚痕

其六

已逢家難劇親故復多虞
小婦兼衰姊離鸞併怨烏
羊腸行轉逼雞骨起相扶
未敢明生死蕭條白日徂

送閔山人遊豫章

挂席東南盡勞歌吳楚行江搖天子障山控越
王城老厭長裾曳人懸短榻迎君才如寶劍牛
斗氣從橫

麻甥園居感憶鴻臚姊丈

三徑雖荒蕪猶看玉樹存攜家初去市到客嬾
題門屈指南皮會傷心北海尊梁間有新燕知
戀主人恩

其二

淹留仍信宿蹤跡已浮雲苑柳縈春思江花惱

夕曛酒壚曾暢飲
經席幾論文
結納逢今日
何人不說君

移家劉子肖先生敬亭莊

祇爲依耆舊
因之問鹿門
耦耕聊學隱
習靜自知尊
苦歲爲霖久
看雲入夏繁
如公惟憲老
真意已忘言

其二

敬亭看未厭
况在戶庭間
謝李曾游地
巢由不買山
遷居疑赤甲
攜婦損紅顏
舊業城東陌
時

屈翁石公集卷十
三
時獨往還

早涉

炎天貪早涉江色曉霏霏風送青蓮舫涼生白
芡衣殘星含水動斷漏出城稀便擬浮家去五
湖生事微

哭沈君典

意氣一生盡英雄千古哀忽騎箕尾去曾侍帝
宸來地運無留寶天心若忌才循州吳相國歿
日感風雷

其二

鳳舉魁多士龍飛歷十年安昌劔欲借宣室席
虛前游戲聊汗瀆篇章任漫延初猶托辟穀今
日果疑僊

其三

矯矯羅文毅稜稜舒國裳朝因知重禮君亦厭
爲郎特謚誰能請浮生自不長科名一何負陶
養荷 今皇

其四

唐書卷一百一十一
三三
傾家緣結客出塞直窺胡折節司文史通才薄
曲儒一朝散歌薊四海走生芻共惜方強歲奄
然失壯圖

其五

聯席從師授十年稱我兄戲言孰後歿誅行合
先成早晏終歸盡飛沉各適生噉焉非怛化條
爾未忘情

王仲房以送君典北上過宛陵會其歿哭
之去

驪駒方載道白馬忽臨門生歿俱成別交游半
不存憤時餘俠氣垂老拜孤魂宿草知何地還
期酌一尊

秋日病卧得季豹金陵書方因游

尺書真次面三讀幾回腸憐我復同病思君猶
異鄉黃金散求藥白石代休糧窮巷商歌發知
誰問子桑

其二

搖落逢茲候遠遊仍舊蹤微霜聞白鴈殘月夢

盧龍秋水經時至
寒山臨暮重自然堪下涕
知不是無從

暮秋感述

逝矣曾芳歲
蕭然更素秋
相思違暮艸
遠夢寄江流
明月何堪掇
浮雲無際愁
况聞哀遂起
有客在南樓

其二

拓落終何計
躑虞獨損神
密親星散盡
殘泪歲餘新
閱世向爲客
患吾仍有身
高天不可問
垂

首大江濱

壬午秋哭弟耆祚

哭母未經祥秋殘苦弟亡貌孤終負託淒獨更
重傷門祚衰中歲帷堂弔下殤我非愛姑息在
禮有童汪

其二

提攜將就傳拜起漸從兄秀質誇如壁連枝重
比瓊取梨知有讓辯果坐皆驚苗實徒興慨由
來忌速成

其三

老人愛少子生日過耆年名汝非無義偕予或
預玄秋汀來斷鴈暮塚下飛鳶母養猶堪代依
佈慰及泉

立秋日志感

乍報秋乘令猶餘暑作威風迴時却扇雨細欲
蒸衣夢逐孤雲杳魂將一葉飛流光可輕擲事
事與心違

送王府君奉諱還濟南

悲風起江介飛雪出郊關共作孤兒語難爲游
子顏高齋虛結構濟水自潺湲知己數行淚因
君灑鮑山

其二

誰憐攀栢處吾憶憩棠時吏道亦多術風流良
在茲珠銜滄海淚琴寫雍門悲極目雙溪水東
歸無盡期

寄蹇督學

雙鳳河東下孤鴻碣石來吏儒誰共傳海岱爾

掄才大國餘風在高壇化雨開遙知有靈氣清
淺見蓬萊

其二

一卧空山晚幾回芳艸春淒涼眼前語惆悵意
中人白露摧淮樹清秋拾楚蘋因君東海上可
以濯纓塵

除夕廬居

蒼茫還此夕坐使百憂侵來日風光轉殘年雨
雪深江湖懸遠夢天地際窮陰多少浮生事寥

寥直至今

其二

蕙艸猶含凍椒花已動春
暫留殘夜雪漸老苦
吟身骨肉餘雙淚交親復
幾人物華仍舊賞翻
怯鬢毛新

寄趙汝師太史 召還有沈君典之感

天定今回眷時艱昔奮身
餘生供賦口九死憶
批鱗綈几章仍在蘭臺氣
轉申豈徒旌直道
昭代重彝倫

其二

每念危言日同心更幾人寬恩逢
主聖急難見交親一卧孤雲晚
經時宿艸春因君被髮意轉復
憶雷陳

城東同子馬輩再汎得雷字

夙有中流約猶尋此地來一尊攜宿雨殘日上
輕雷海客乘槎杳湘靈鼓瑟哀清秋思不極臨
水更悠哉

悼亡爲副室潘氏也

我非能好色誰易造忘情薄命飛花急韶年逝
水傾桂芳應自蠹蕙質豈畱英枕簟依然處新
涼昨夜生

其二

浮石難消想名香不返魂笥衣雲滅暈匣鏡月
歌痕歌闕悲將鳳絃危泣斷鶻後房猶玉立吾
自識寒溫

蒲干同子馬泰符

蕭然二三子隨意向江干黃葉捲簾下青山秉

燭看坐來秋露重望極曉星殘夙昔一如此含
情適不歡

秋夕不寐

徒倚曾軒暮還爲勞者歌高秋疎枕簟薄露蘸
星河結習忘難盡繁憂積損和亦知長醉好無
柰易醒何

次夜

歷歷時堪見迢迢夜若何秋風生短髮木葉下
微波夢遠河填鵲輦長月寫娥凄清江漢意併

與歲蹉跎

慈湖寄答周當塗

顧曲君能事初逢藉賞音爲裁慈姥竹一和單
父琴推案青山暮垂簾白日陰江流東不極何
限客愁心

慈湖道上

行役何能息鷄鳴又出關片雲隨客夢疎雨澹
離顏投舍已新主問程猶故山嬾教雙槩去終
媿白頭

寶光寺訪陸無從先歸廣陵

相覓君歸後因教我倦游孤舟淮浦雨古寺秣
陵秋未有梅花寄虛憐桂樹幽前期知尚在何
惜爲淹留

阻風宿塞口山

便可教維艇平生慣石尤田蕪侵夕漲峽斷束
寒流細作燈前語深來酒畔愁旅魂初入夜蟋
蟀不能休

采石過朱慰二子尉時在官

鑪頭新淮熟江口故人來一說他年事還停此
日杯朱家稱俠客梅尉憶仙才落日題門去勞
勞首重回

曉過雞鳴寺

無生如可學一問誌公禪幡影縣初日鐘聲落
半天千峯寒宿雨雙闕曉浮煙拈取西來意蒼
蒼極目前

臨秦淮水送張大來入試

餞君一杯酒淮水對蒼然郡上三千牘家傳尺

五天中原多鳳舉北海獨鵬騫亦有飛鴻色冥
冥帝闕前

上牛首宿登公房余十年再宿此

尚憶攀躋處秋來問上方雲煙自朝夕巖壑迥
青蒼仙梵隨潮散尼珠並月光坐聆風鐸起十
載意茫茫

過司城允甫叔官舍

縱酒阮公意那因薄宦疎逢秋官舍靜當晝訟
庭虛風雨猶能過看尊不反餘巖城從弛禁誰

月夜何如

步城曲上清涼山一眺

爲心一蕭散初地得清涼倚杖秋雲白穿林木
葉黃江披龍藏出山抱鳳城藏下界虛回首三
千入混茫

同任別駕恩公過雪齋小師

過汝安禪處悠然遠世氛一齋清映雪孤榻暗
生雲蓮社林中闢茶香竹裏聞支公能借馬歸
路入斜曛

賦得豐城劔留寄侍御張公

偶辱司空問豐城
臥自深斗仍干夜氣
土未拭華陰離合原
關數飛沉豈異心
愀然風雨際時
復作龍吟